

傷寒治例引

傷寒治例者名醫劉翁之所著也翁名純字宗厚其先淮南人以事移關中遂家焉予晚生不及識翁因企慕而訪求翁後見其譜牒乃簪組裔也翁為人博極群書尤精醫道厥考橘泉先生受業丹溪之門及翁繼之醫道大行家聲大著遂以所學於父師者為此書蓋有以溯素問之源撮仲景之旨治傷寒者循此而行如射而中獵而獲足以起死回生易危為安無天橫之



危皆躋仁壽之域矣予得而刻之益有以廣傳  
翁之德惠不特此爾翁所著又有醫經小學玉  
機微義傳於世云

成化己亥歲陽月吉日旦易菴居士蕭謙書



傷寒治例

引用書諸家姓名

內經

金匱方

鍼經

傷寒論

難經

活人書

明理論

韓祗和

孔頴

王海藏

孫兆

片玉

中家學

龐安常

保命集

李知先

嚴仁菴

趙慈心傷寒

釋疑

直指方

仁存方

朱肱

究源方

良方

此事難知

宣明論

總錄

東垣方

索矩

無求子

證治

百證歌

孫用和

補亡

醫鏡

雲岐子

陰證畧例 千金翼  
外臺秘要 易簡方

高保衡

薛立明

傷寒治例目錄

發熱

發熱反欲近衣

身寒反不欲近衣

惡寒

一身盡寒

背惡寒

惡風

寒熱

熱多寒少

寒多熱少

潮熱

自汗

盜汗

頭汗

手足汗

無汗

頭痛

項強

頭眩

胸脇滿

心下滿

結胸

痞

欬逆

腹脹滿

小腹滿

煩熱

煩躁

懊懷

舌上胎

衄

畜血

下血

吐血

欬嗽

喘

嘔吐

悸

驚惕

渴

振

戰慄

搖頭

四逆

厥

鄭聲

譫語

短氣

瘵癯

筋惕肉瞤

鬱冒

動氣

自利

熱入血室

發黃

發狂

霍亂

勞役

陰陽易

大便秘

脇痛

咽痛

虺厥

陽證陽毒

陰證陰毒

太陽陽明合病

太陽少陽合病

三陽合病

太陽少陽併病

陰證似陽

陽證似陰

陰盛隔陽

陽盛拒陰

癍

晝夜偏劇

口燥咽乾

百合病

狐惑

漱水不嚥

水氣

小便不利

陽瘕

陰瘕

不仁

直視

遺尿

循衣摸床

溫病

溫瘧

風溫

溫疫

溫毒

濕溫

暑證

暘證

傷寒治例目錄終

傷寒治例

發熱

吳陵劉純宗厚 編集  
長安蕭謙子豫 校正  
屬表者即風寒客於皮膚陽氣拂鬱所致翕  
翕發熱若翕所覆邪在外若小便黃非在外  
也

屬裏者陽氣下陷入陰分蒸蒸發熱若薰蒸  
邪在內若小便清非在內也

邪在三陽太陽證多邪在三陰少陰證多

與潮熱若同而異此屬半表

與煩躁相類而非此屬半裏

解表

有發汗解肌之別

發汗

脈浮緊為表實無汗寒傷榮宜麻黃湯

解肌

脈浮緩為表虛自汗風傷衛宜桂枝湯

脈浮緩反無汗脈浮緊反煩躁宜桂枝麻黃

各半湯

和榮衛

風兼寒脈寒兼風脈榮衛兩傷俱實脈浮緊

無汗宜大青龍湯

解肌表

發熱脈浮大小便赤煩渴此表裏證俱見或

汗後脈浮小便澀並宜五苓散

已上二條屬兩解例

隨經治例

太陽麻黃湯

太陽陽明六物麻黃湯

陽明葛根湯

太陽少陽七物柴胡湯

六經表

少陽小柴胡湯

太陰桂枝湯

少陰麻黃附子細辛湯

厥陰當歸四逆湯

合病表

陽明少陽葛根柴胡湯

太陰少陰真武湯

太陰厥陰當歸四逆湯

少陰厥陰四逆湯

助陽

發熱脈沉無力或少陰病始得之反熱者亦

屬表所以一經表有一經表藥也

溫經

發熱為邪在表當汗脈沉細屬裏而當溫散

凡熱而脈沉為陽虛經虛

隨病治例

汗後不解脈浮大而遲或緊瀯或尺不應

宜小建中加歸芪俟脈盛再汗

或身熱汗出濺濺然脉實者調胃承氣湯或汗  
後不惡寒但熱者實也並陽明發熱汗多者  
急下之大承氣湯太陽病三五日發汗不解  
蒸蒸發熱屬胃也調胃承氣內實身熱汗不  
出反惡熱或發熱汗出不解心下痞嘔吐而  
利並大柴胡湯 非痞滿不可下 非潮熱  
渴不可下 非脉沉數不可下 非譫語不  
可下

隨病變例

太陽病八九日如瘧狀發熱惡寒熱多寒  
少或熱而脉微惡寒者並宜桂枝麻黃各半  
湯如大下後身熱不去心中結痛用枳子豉

湯因以丸藥下後身熱不去微煩者枳子乾  
姜湯 陽明脉浮發熱渴欲飲水小便不利  
者猪苓湯主之汗多者不可與 陽明脉浮  
而緊咽燥口苦腹滿而喘發熱汗出不惡寒  
反惡熱身重若發汗則煩燥反譫語若加燒  
針則必怵惕煩而不得眠若下之則胃虛客  
氣動心中懊憹古上胎者枳子豉湯主之全  
在隨證臨病加減擇法

六經裏

太陽五苓散 陽明調胃承氣湯

少陽黃芩散 太陰桂枝加大黃湯

少陰黃連阿膠湯 厥陰桃仁承氣湯

合病裏

三陽合病白虎湯 太陽陽明小承氣湯

正陽陽明調胃承氣湯 少陽陽明大承氣

湯 合三陰即是兩感證也

隨時治例

傷寒本為卒病故用已上一表一裏治例

如夏至後用麻黃知母石膏湯或以防風通

聖散加減用者是從其時令或地理方宜故

不可執一也有近代諸方如正氣五積之類

禁例

太陽病禁居多 陽明一禁 少陽三禁

塞其畧則知其餘證用藥皆有禁例也如藥

禁

鍼例

汗不出悽悽惡寒取玉枕大杼肝俞膈俞陶

道 身熱惡寒後谿 身熱汗出身足厥冷

取大都 身熱頭痛食不下三焦俞汗不出

取合谷後谿陽池厲兌解谿風池身熱而喘

取三間 餘熱不盡取曲池 煩滿汗不出

取風池命門 汗出寒熱取五處攢竹上腕

煩心好嘔取巨闕商立 身熱頭痛汗不

出取曲泉 身熱進退頭痛取神道關元懸

顛 已上出鍼經

雙解

裏證已急或脉浮或頭疼風寒表證仍在者

過經不解是也大柴胡主之此解表攻裏法

又非前兩解之比



瀉形為汗 熱而脉弦細非往來寒熱不可和非脇肋

痛不可和 非胸滿而嘔不可和 非脉緩

不可和 或表證未罷邪氣傳裏裏未實是

為半表半裏 或自皮膚漸傳入裏 或自

內熱達於表 直指方曰凡當汗下如有他

證相妨切須和解俟其他證已退却依汗下

法小柴胡湯

活人書去半夏名黃龍 陳孔碩名冲和湯

海藏名三禁湯 孫兆名黃胡湯與四物

對名調經湯守真加減名三元湯

敢熱生津益氣 身熱目痛鼻乾惡熱自汗脉尺寸浮

長白虎湯

片玉云得汗脉靜身熱不退是發汗太過胃

中亡津液也處以生津液益氣血養胃氣

之藥參朮茯苓麥門冬升麻陳皮甘草桂枝

歸芍半夏飴糖三服而愈或只用補中益氣

湯

出血

曾氏家學治傷寒七八日不解自胸上至頭

目黑紫壅腫寸脉浮大而數是欲作衄而不

能出也用乾栗幹任兩鼻彈刺之出血五六

升而安藟葉亦可西北方人或於兩尺澤中

出血而射即安諒亦此意

復脈

龐氏云有不因大汗下而兩手忽無脈謂之  
雙伏或一手無謂之單伏或下過如此必有  
正汗急四逆輩溫之暍時有汗便安脈汗不  
出者死脈結用炙甘草湯

越婢

太陽病發熱惡寒熱多寒少脈微弱不可表  
散宜桂枝二越婢一湯以解表邪而益衛滋  
津液

外迎

薰蒸在外取汗是也但病脈微弱遲細動氣  
瘡淋亡血虛煩皆不可用此

灸

六脈沉細一息二三至取氣海關元  
少陰發熱取太谿

劫

有汗下後陰陽之氣下陷熱不退其人昏倦  
不渴不食者用來復丹靈砂之類

吐

病如桂枝證頭不痛項不強脈浮胸中痞鞭  
氣上逆胸有寒也宜瓜蒂散吐之或心中結  
痛而煩宜梔子豉湯之類

四證似傷寒

寒痰 脚氣 食 勞煩  
皆從病別治

發熱反欲得衣

溫

熱在肌表

寒在骨髓

脈沉手足微厥下利發熱四逆湯活人書云  
表熱裏寒先與陰旦湯寒已次用小柴胡加  
桂溫表

反治

身寒反不欲近衣

熱在骨髓

寒在肌表

從治

下

先用白虎加人參湯次用麻桂各半湯  
脈滑而厥口噤舌乾所以少陰惡寒而倦時  
時自煩不欲厚衣大柴胡下之

惡寒

有熱惡寒者發於湯有汗表虛無汗表實無  
熱惡寒者發於陰陰寒為病口中和陽氣內  
陷口乾而渴

一身盡寒

由陰氣上入陽中或陽微陰虛相搏之所致  
有脈沉實為陽盛格陰

背惡寒

皆為陽陽氣不足陰寒盛故耳或三陽合病  
額有汗口燥不仁清熱用白虎湯

發汗

表實無汗不惡風麻黃湯或各半湯  
脈緊寒傷榮麻黃湯脈浮升麻湯

解肌

表虛自汗惡風桂枝湯保命集曰表未解葛  
根湯 李氏用桂枝湯 嚴仁菴曰風傷衛

桂枝湯

溫

發汗後不解及惡寒者虛也陽微也與芍藥  
甘草附子湯以補榮衛

在陰者四肢冷大小便滑溫中湯四逆湯或

脈沉緊且細內自煩躁不飲水者此為陰盛

格陽身冷宜四逆湯霹靂散

尺脉遲小建中湯易簡方加附子名附子建中湯身寒拘急泄下重腹痛皆少陰也宜溫中益陰

和解

兼潮熱柴胡加桂湯汗已寒而心下痞附子

瀉心湯

寒而潮熱腹滿與小承氣湯

灸

背惡寒口中和須灸之 關元穴

熨

惡風

悉屬於陽 有汗而惡風為中風衛病也桂枝加葛無汗而惡風為傷寒榮病也葛根湯設反無汗雖服桂枝反煩不解無裏證

解肌

刺

先刺風池風府却與桂枝葛根湯

發表

無汗而惡風

溫經

發汗多漏不止則亡陽外不固是以惡風以桂附溫其經而固衛

散濕

風濕相搏骨節疼濕勝自汗而反腠不密是以惡風必以甘草附子湯散濕而實其衛

利痰

憎寒發熱惡風自汗胸膈滿氣一衝不得息而頭不疼項不強為有痰隨其虛實散利與

陽多則氣鬱不發於外而為熱

身之陽虛則邪容於表與陽爭則為寒

身之陰虛則邪容於裏與陰爭則為熱

寒熱

與陰爭則憤然而熱故寒已而熱作焉  
邪在表必寒多 邪在裏多熱多

表裏

半在表半在裏則寒熱相半  
半表裏往來寒熱小柴胡主之 熱多白虎  
加桂湯 寒多柴胡姜桂湯 先寒後熱陽  
不足也小柴胡加桂湯 先熱後寒陰

不足也小柴胡加芍藥湯主之

下

難知曰若用柴胡而移其時於早晚氣移於  
血血移於氣是邪無所容之地知可解也  
日病多而結熱在裏復往來寒熱大柴胡湯  
主之 惡熱者胃實也調胃承氣湯下之

兩解

熱多寒少

脈浮各半湯 微弱桂枝二越婢一湯  
脈遲小建中加黃芪或溫中

寒多熱少

不煩躁手足厥逆為傷寒脈反浮緩為中風  
大青龍主之或各半湯

仲景一書只有熱多寒少之條無寒多熱少  
之證

潮熱

發於寅卯巳午時者邪未入胃 日晡所發  
者乃入於胃也

有兼證 結胸脈不浮陷胸湯

腹滿身黃梔子柏皮湯

和解

小柴胡湯

脉浮兼寒加桂

攻下

邪入胃

腹滿

脉實

大便硬

脉滑

脉浮仍和解

解肌

脉虚自汗桂枝湯

自汗

多主衛

此衛氣不和兼熱邪所干也

太陽中暍汗出惡寒身熱而渴

汗出而濡

風濕自甚皆邪干於衛氣氣不能固於外皮

膚為之踈而津液妄泄澀澀潤潤然出也

表虚汗後惡寒

裏未解惡風微惡寒

表未和汗出不惡寒

熱越陽明發熱

解肌

桂枝湯

淺淺

渴者五苓散

補

自汗而小便數者不可與桂枝宜芍藥甘草

二物或小建中諸方加芪名黃芪建中湯

和解

柴胡加桂湯

温經

發汗多遂瀨不止曰漏風亡陽桂枝附子湯

表虚未解桂枝湯

四逆厥有汗四逆湯

疎風

太陽病熱脉沉細搖頭口噤背反汗出不惡

寒名柔痙中風也宜小續命湯

汗多亡陽惡風煩躁先與防風白朮牡蠣湯

汗止次服小建中湯

下

裏未和

熱越故下之總覺汗多未至澀液

乾速下之則為捷徑免致用寒藥也

從治 吐利止後汗而厥脈微欲絕通脈四逆

清暑 暑邪干衛非傷寒此

流濕潤燥 多汗而濡此其風濕其濕邪干於衛也

撲法

審導 陽明自汗小便利為津液內竭雖硬不可攻

盜汗

睡而汗出晝寤而則止方是非若雜證邪在半表裏使然也

解肌 出而微惡寒小柴胡加桂湯

和解

下 素有積 或熱在內脈實

撲法

白朮 白芷 藁本 川芎 各一兩 米粉一兩半 為末周身撲之

頭汗

邪搏諸陽津液上湊則汗見於頭也

痰熱在裏身必發黃小便不利引水

熱入血室 陽明被火 水結胸中

和解

頭汗惡寒小柴胡加桂 汗不止者難治

若汗下後胸滿微結如往來寒熱手足冷心

下滿脈細惡寒小便不利此皆頭汗之逆者

下

痰熱在裏

小便不利而成關格陽脫也喘者亦然

手足汗

熱聚於胃是津液傍達也 有陽明中寒不能食小便不利手足澀澀然汗出此欲作痼瘕即是中寒也

下

胃熱可下

溫

寒聚於胃為不可下當溫之

無汗

寒邪傷人獨不汗出 寒傷榮而不傷衛衛

無邪氣所干則皮膚得以密津液得以固是

以汗不出也及其傳變裏為熱則亦使自汗蓋

熱則榮衛通脹三刺無汗熱病脉躁盛而不

得汗經謂陽脉之極也主死

熱附配麻黃發中有補出慈氏釋疑

助陽

乾姜配生附補中有發

無汗而解者屬少陽也 戰而汗解者太

陽也 不戰汗解者陽明也

太陽證居多 三陽經受風寒伏留而不去

頭痛

則名厥頭痛痛甚而手足寒者為黃病頭頂

痛屬厥經 頭角痛屬少陽

額痛及鼻屬陽明

發汗

傷寒無汗發熱惡寒不惡風麻黃湯

不大便六七日頭痛有熱小便清者知不在

裏仍在表也當汗解痛甚者必衄葛根湯

湯 荊防散 川芎石膏湯



解肌

傷風汗出發熱惡風不惡寒桂枝湯  
輕者崇胡桂枝湯

溫經

厥陰少陰證嘔而吐沫吳茱萸湯

夏月頭痛身冷自汗此中暑濕木附湯

清上

大頭傷寒瀕用酒炒黃芩荷葉羌活葷

攻下

表邪入裏不大便有熱脉沉而滑尺寸俱長  
皆可下之有熱不惡寒反惡熱或不大便小

便赤者胃實也宜調胃主之

和解

邪在半表裏少陽往來寒熱脉弦細宜小柴  
胡發熱頭痛似瘧欲愈麻桂各半湯

夏月頭痛惡寒心下煩躁不快五苓散

清鎮

自汗頭痛及風暑雜病俱宜白虎少加芍藥  
芥尤妙或竹葉石膏湯

吐

頭痛及發寒熱脉緊寸大即是痰飲宜瓜蒂  
散吐之

敷消

汗後不解因正辛烏輦同藻白搗膏貼於額  
角

吹搗

汗後不解用不卧散末吹之鼻內

鍼刺

發汗

表實

解肌

汗出惡風

和解

身熱惡風頭項強腹中滿手足溫而渴小柴

胡主之

下

結胸病亦項強如柔瘥狀大陷胸主之

鍼

頭眩

少陽與太陽併病故眩者責其虛也眩冒者

皆發汗下後所致是知其陽虛也針經有云

上虛則眩下虛則厥與風家眩暈同

和解

半表裏邪漸行於裏表中易虛故時時目眩

也中風家多頭眩宜解肌傷寒亦然

溫經

頭眩身暈動或虛弱汗多宜真武湯

次鼻

眩暈鼻塞而煩此頭中寒濕宜瓜蒂散吹鼻

中取下濕水

胸脇滿

脅滿多帶表證多夾半表半裏證

邪氣自表傷裏必先自胸脇已次經心腹入

胃

發汗

太陽陽明合病

調中

寒中太陰誤下之愈不快臍脹或吐或利理

中湯枳實陳皮輩

和解

半表裏脇下痞鞭冲和去棗加牡蠣或已汗

下胸脇滿微結小便不利渴而不嘔但頭汗

出或往來寒熱柴胡姜桂湯

吐

邪氣留於胸中聚而為實者非上吐不可如

四日在胸吐之則已

兼譫語刺期門

下

陽明少陽合病下利身熱脇痛大柴胡湯主

之汗後頭疼心下痞脇滿疼短氣十棗湯

心下滿

是不經下後而滿有吐下之殊

若下後滿者又有結痞之別虛邪留滯則

但滿而不鞭痛也脉雙弦而遲者必心下硬

實則心下滿虛則心下悸

和解

滿而不痛半夏瀉心湯

分消

飲水多心下脹滿用牡蠣澤瀉湯利小水傷

寒例云心下滿心下悸皆邪在胸水停也

吐

邪在胸中病則滿而煩饑不能食者

下

心下滿而鞭痛近乎結胸大陷胸湯主之

心下痞按之濡脉關上浮者大黃黃連瀉心

湯

諸瀉心例

心下痞而復惡寒汗出者附子瀉心湯

汗後胃不和心下痞鞭乾噫食臭脇下有水

氣腹中雷鳴下利者生姜瀉心湯下多痞而

乾嘔心煩不得安下之痞益甚此非熱但胃

中虛客氣上逆故鞭也甘草瀉心湯

有下之早而成者脉浮緊心下硬痛未可

下之按則痛為小結不按而痛為大結

直指方曰臟氣閉結而不復流布也

結胸證悉具而加之煩躁者為不治藥之所

以能勝邪者必待胃氣施布藥力始能溫汗

吐下以逐其邪氣邪氣勝胃氣絕者安可為

之

### 理中

邪熱在上胸膈痞結或未辨虛實先與理中

加枳實尤妙 先理其氣枳木理中丸桔梗

枳殼湯 韓祗和用七物調中丸

者寒熱兼證隨治 按不按皆痛者乃熱結

在心下也

### 攻下

大小陷胸及大陷胸丸選用 韓祗和用茯苓

芍藥陷胸湯 究源方用鶴頂丹治陰陽一結

如神

### 水漬法

仁存方治結胸煩亂欲死凝雲湯漬布薄胸

上熱除為度當溫發四肢防厥逆也

### 泄熱

如汗後未全解悞下之悞而之為小結胸煩

渴脉實宜三黃瀉心湯表全未解亦不可用

輕者小結正在心下按之痛脉浮滑小陷胸

湯無熱證者小陷胸三物白散亦可此寒實

也

重者熱實脉沉緊心下痛大陷胸湯有蕪項

強如柔瘕狀或從心下至臍上不可近者大

陷胸湯

逐寒

無熱證此寒實結也積實理中丸或三物白

散 龐氏用檳榔散 良方用海蛤散

刺

期門 嚴仁菴刺肺俞 婦人因血結胸亦

熱入血室刺期門

和解

結胸有熱或煩渴宜先用沖和加枳實次下本

藥代活人書治水結沖和去棗加茯苓牡蠣

湯 此事難知用五苓合枳木湯飲水不散

而結小半夏茯苓湯

與水

直指方云結胸喘促狂亂極熱大躁用地龍

水一服未效再服自然汗出則愈

灸

又用太乙牛黃光竹葉湯調下以手揉其心  
膈即下二藥兼治上一證

以黃連巴豆七粒作餅子置臍中以火灸之  
得利為度

痞

不痛為痞寸脉浮關脉沉 心下滿而不硬

按之不痛名曰痞 不滿不硬但妨悶者非

痞也謂之支飲 有下之太早而致

凡痞而硬為水停 濡者為氣聚

保命集云脾不能行氣於四臟結而不散則

為痞

瀉痞例

滿而不痛半夏瀉心湯泄熱而緩脾

色黃手足溫心下痞按之濡其脉關上浮者  
黃連瀉心湯泄虛熱 痞而惡寒方見前  
溫通陽乾嘔食臭膈下有水氣者生姜瀉心  
湯兼止嘔逆 下痢腹鳴例見瀉心用甘草  
瀉心湯兼調胃 韓祗和用厚朴瀉心湯  
宣明論治痞損榔散

雙解

胸滿硬按之不痛脉沉緊大柴胡湯

解表

當先解未解之表宜桂枝湯 甚者兼治

分利

痞而小便不利五苓散

散濕

痞而下利直指方用木附湯

和解

不滿不硬心下妨悶謂之支結小柴胡加桂

湯 胸滿而濡者半夏瀉心湯旋覆代赭石

湯 輕者通用桔梗枳實湯主之 直指方

加茯苓甘草補亡益常氏用茯苓甘草白朮

生姜湯 成痿可振痿湯

下

心下痞硬滿引脇下痛乾嘔短氣汗出不惡

寒十棗湯主之

效逆

保命集云胸中氣不交也少陰經至胸中交

於厥陰水火相搏而有聲故噫氣也

溫

胃寒先服理中湯次服旋覆代赭石湯水寒

相搏小青龍去麻加附脉微細宜重溫燥之

導氣

保命集云如聖加枳實湯汗下後喘而噫氣

如聖加人參藿香杏仁湯世俗或用橘皮半夏湯

下有因失下所致脉散者死 便軟用瀉心湯

便硬用大承氣湯

活人書一名噦傷寒又謂陰陽氣欲作汗升之不止降之不下而效逆此胃氣上逆所致也

劫 總錄治嘔吐逆通正散 柿蒂散

平胃 索矩云食穀者噦香橘散主之

和解 潮熱時時噦與小柴胡

瀉心 便軟者宜用之如脉浮洪或有熱而效逆者

乃火熱逆上肺不納也甘草瀉心湯

清利 少陰下利咳而嘔渴心煩不眠猪苓湯主之

灸 期門

藥無效以硫黃乳香為末酒煎煎之

腹脹滿 傷寒一日在皮膚 肌肉 胸 六日入胃

是在腹也太陰證居多經謂非太陰腹中無

虛滿

和解 腹中滿痛小柴胡去芍加芍

攻下 腹滿痛者急下之 脹而不大便者急下之

大實痛桂枝大黃 譫妄脉沉數煩渴不

拘日調胃承氣湯

温

太陽病反下之因而腹滿時痛桂枝芍藥湯主之 腹痛時減者為虛也

吐

下後心煩腹脹滿卧起不安此妄下邪氣乘虛入鬱胸中為虛煩上下不得通利故宜吐也要識邪氣日漸起所在虛實之的則温補針艾適當

和中氣

汗後脹滿者厚朴姜草半夏參湯此脾胃津液不足氣塞不通壅而滿無求子用桔梗半夏湯

少腹滿

必有物聚而為之滿 在上而滿者氣也在下而滿者物也物者溺與血也

下

少腹硬小便自利其人如狂者血證諦也當出不出積而為滿

少腹急結者可攻之桃仁承氣湯

輕者犀角地黄湯

滲利

少腹硬小便不利為無血也當滲利之

刺括

有中痧腹虛脹或腹中急痛刺括痿中或奪命穴等處

煩熱

為煩而熱無時而渴是也 有陰 有陽

有真陽內鬱陰中伏陽之證 虛 實

發汗

邪氣在表而煩

分利

汗後煩熱而渴辰砂五苓散主之



下 汗多煩熱脉實宜下之 陽明病不吐不下

心煩者煩之實也宜調胃承氣湯

和解 心煩喜嘔或胸中煩而不嘔 經吐而心煩

不眠酸棗仁湯

吐 汗後煩熱心胸煩悶宜人參散吐之

反復顛倒心中懊憹但藥有輕重之不同耳

實煩而胸中窒者梔子豉湯

脉浮上部填塞胸心而滿者用瓜蒂散

可水 汗後胃乾煩不得眠欲飲水者少少與之

和中 傷寒二三日心中悸而煩者是煩之虛也小

建中湯補之

和表裏生津液 有寒者附子湯 熱者白虎湯

脉浮表未解也渴者熱天實一焦燥也宜五

苓生津和表

陰虛而邪盛熱煩於內心中煩不得眠者黃

連阿膠湯以扶陰散熱

陰虛客熱下利咽痛胸滿心煩與猪膚湯以

調陰散熱

煩躁 煩為擾擾而煩躁為憤躁之躁 邪氣在裏

煩為內不安躁為外不安有因火劫有陽虛

有陰盛蕪結胸者死 無求于曰脉洪實或

滑小便赤者陽躁也脉微手足逆冷大小便

利者陰躁也

兩解

散榮衛風寒 太陽中風脉浮而緊不汗出

而煩躁大青龍湯主之 惡寒而倦時時自

解肌

煩欲去衣服大柴胡主之

與水

煩躁消渴辰砂五苓散 汗後煩躁不得眠欲水者少以與之

和

下利咽痛胸滿而煩猪膚湯 自汗心煩小

便多者芍藥甘草湯

下

不大便六七日繞臍痛煩躁發作有時此有

燥屎也小承氣下之

溫

陰盛而煩燥少陰病吐利手足厥冷煩燥欲

死者吳茱萸湯主之 證治云八石散治煩

躁佳 活人書云身冷脉沉疾煩躁不飲水

名陰盛隔陽霹靂散火焰丹

外臺云陰躁欲坐井水宜熱溫之

退陰復陽

汗下後晝日煩燥不得眠夜而安靜不渴

不嘔無表證脉沉微者乾姜附子湯陰盛發

燥名陰躁四逆湯

陰盛隔陽身冷脉細煩躁霹靂散

補陽益陰

發汗下後病仍不解煩躁者茯苓四逆湯

無求子云晉人患傷寒身冷脉微手足厥而

躁甚醫以文湯調硫黃末四錢與之即時安

卧良久出汗而愈

灸

傷寒六七日脉微手足厥冷煩躁宜灸厥陰

穴

扶陰泄熱

少陰躁不得眠黃連雞子湯

總錄云雞清散治煩躁悶亂 絳雷治狂躁

發熱 大安丸凝水石丸治狂躁悶亂

韓氏云不甚實丹砂丸 輕者朱砂安神丸

熨

陰毒用火熨

懊懷

比之煩悶不甚者也 有表未解下早所致

有虛有實

下

陽明無汗小便不利心中懊懷者必發黃二

者為邪熱結於胸中當攻下 陽明病下之

心下懊懷微煩胃中有燥屎

吐

邪熱鬱於胸中宜梔子豉湯吐之 汗吐下

後虛煩不得眠若刺者必反復顛倒心中懊

懷亦用之

舌上胎

舌上有膜白滑如胎或燥或澀或黃或黑皆

熱氣之淺深也 有邪氣傷裏或在半表裏

或邪氣客於胸中 丹田有熱胸上有寒邪

初傳入裏者

和解

陽明病脇下硬滿不大便而嘔舌上白胎者

與小柴胡主之

吐

陽明脉浮緊咽燥腹滿而喘心中懊憹舌上

胎者梔子豉湯主之

下

古黃耆下者下之黑滑皆然

清熱生津

七八日不解熱結在裏表裏俱熱時時惡

風大渴舌一燥白虎加人參湯

衄

傷寒衄者積熱在表

或出口鼻是謂下厥

上竭

發汗

傷寒脉浮緊不發汗因致衄者麻黃湯脉證

諦當方可用是發散經中邪氣爾

衄家不可發汗蓋慎之也

解肌

脉浮自汗桂枝湯

溫

許氏治少陰候汗衄血及癰中出用姜附湯

治本

下

不大便六七日頭痛有熱而衄者與小承氣

下之 或涼膈加生地黃

分利

衄而渴心煩飲則吐者先五苓散次竹葉湯

涼血

脉微為血虛 凡傷寒及溫病應發汗而失

之熱蘊為血衄及吐者犀角地黃湯黃芩芍

藥不止者茆花湯

水貼

汗後熱退血不止用新井水濕草紙於鼻上

貼之及頭頂項上皆貼時時易之

墨汁 倍灰必用

畜血

熱毒流於下而瘀血者謂之畜血  
附下血例 亦有年高人小便不利者韓祗  
和用嚏法通之

溫經

陰證下如豚肝當溫之旨歸木附湯

涼血

陽證溢出血當清之苓連生熟地黃地骨

柴胡芍藥甘草之類

下

太陽病六七日表證仍在脈微而沉反不結

胸其人如狂以熱在下焦少腹當硬小便自

利者下血乃愈抵當湯主之太陽隨經瘀在

裏也傷寒有熱少腹滿硬小便自利為有血

也抵當丸主之輕者犀角地黃湯芍藥地黃

加大黃黃芩湯 孫用和用破棺丹 無求

子云陽毒入胃下血用消蘊湯

韓祗和用地黃湯

解肌

太陽病不解熱結膀胱發狂血自下者愈不

愈者用桂枝湯

補中散寒鬱

少陰下利膿血者桃花湯以固脫散寒

補正

補虛消熱

許氏治協熱下膿血梅煎散

難知云傷寒熱毒入胃下膿血阿膠散

小便出血總錄用竹茹湯

鍼

少陰證下利便膿血者可刺 陽明病下血

而謔語者必熱入血室頭汗出者當刺期門

下血無者雜病例

吐血

當汗不汗熱每蘊結而成吐血

涼血

犀角地黄湯 升麻湯 黃芩湯

芍藥地黃湯 三黃丸 倍灰必用

下

三黃瀉心湯 抵當湯 大黃散

溫

畧例上焦熱血用黃芪桂枝湯中焦血用當歸建中湯增損胃風湯下焦血用芎歸木附

湯桂附六合湯 陰證三焦出血色紫不鮮

此重沓寒濕化毒凝泣浸漬而成治要用黑

錫丹見直指方

咳嗽

有肺寒而欬 有信飲而欬 或邪在半表

裏

發汗

表不解心下有水氣乾嘔發熱而欬小青龍

主之

溫經

少陰病腹痛小便不利四肢沉重痠痛自下

利者此為有水氣其人或欬者真武湯加五

味細辛乾姜主之

和解

小柴胡湯證悉具而欬者本方去參棗生薑

加乾姜五味主之此陽邪傳表也

少陰病四逆 其人或欬者四逆散加乾姜

五味主之此為陰邪傳裏也

清利

見欬逆例中

導痰

其人素有痰證者熱濕風火宜兼治之

喘

有邪氣在表不利 有水氣射肺 形寒飲

冷傷肺 故其氣逆上為喘 有腎氣乘心

發汗

邪氣外感壅遏使氣不利為病雖汗而喘不

已邪在表也雖經汗下亦可發之麻黃杏仁

甘草石膏湯 龐氏用麻黃甘草湯

解肌

用桂枝湯加厚朴杏仁汗出而喘者主之

兩解

心下有水氣乾嘔熱而欬或喘小青龍去麻

黃加杏仁主之是散水寒也活人書加茯苓

脈盛自汗大柴胡主之 傷寒例用茯苓湯

即敗毒散去枳殼加陳皮倍柴胡此兼消痰

飲也

溫

直指方曰陰證喘則必促脈伏而厥宜返陰

丹 證治曰宜理中四逆輩 陰厥喘促用

來麩丹

潤肺養氣

陰促脈浮而厥者或陰陽未和並用五味

子湯

下

或腹滿而喘 或潮熱 並大柴胡湯

或承氣湯微解之

兼結胸者看輕重用陷胸

分利

水停心下腎氣乘心為悸為喘五苓散

清熱

炎

嘔吐

內蘊熱邪有汗喘者葛根黃芩黃連湯

寒邪陷下者灸肺俞多者主之

大抵表邪得裏裏氣上逆則為嘔也

有積為熱 有積為寒 有停飲 有胃脘

有膿 癰腫不必治 吐家多是胃虛冷

先嘔後渴此為欲解 先渴後嘔此為水停

心下 龐氏云病傳陰必吐利

發汗

太陽與陽明合病氣下而不下但下利不嘔

裏氣上逆不下者但嘔而不利與葛根加半

夏湯 傷寒例云兩經俱病邪氣壅盛於表

正氣佛鬱於裏邪正分爭於下則為利爭

於上則為嘔與半夏以下逆氣

兩解

嘔而發熱柴胡證具心下急鬱鬱微煩大柴

溫經

胡主之 膈上有寒及寒飲或嘔不得乾姜附子湯鬱

清熱

鬱吐沫頭痛者吳茱萸湯主之 有虛熱少氣氣逆欲吐竹葉石膏湯活人書

治差後嘔竹葉湯加生姜嘔而思水者急與

分利

猪苓湯 中風發熱六七日不解而煩渴飲水則吐名

和解

曰水逆五苓散 半表裏證多嘔與小柴胡和之胸中有熱胃



溫胃

中有邪氣陰陽不交腹中痛欲嘔吐者黃連湯主之或黃芩加半夏生姜湯以升降陰陽嘔吐手足冷小橘皮湯理中湯生姜汁半夏湯半夏加橘皮湯溫中丸姜汁為要藥散其逆氣

下

乾嘔短氣汗不出惡寒者表解裏未和十棗湯 曾氏家學治吐逆大小便不通厥逆無脉大承氣下之愈

灸

口中和脉微澁弱皆灸厥陰 脉經及千金翼林氏本曰一云灸厥陰五十壯

收臟氣之真

治例云若熱嘔不可無烏梅

悸

氣虛 停飲 陽氣內弱心下空虛正氣內動而為悸也 胃不和則煩而悸

悸證有八九皆屬三陽

補中

虛則心下悸 脉結代心動悸炙甘草湯 傷寒三二日心下悸小建中湯 發汗過多

其人胸中陽氣不足 手胷心下悸欲得按

者與桂枝甘草湯

溫

汗出不解其人仍發熱心下悸頭眩身潤動振振欲擗地真武湯 少陰病四逆其人或

悸者四逆散加桂主之或汗後臍下悸欲作

奔豚茯苓桂枝甘草大棗湯主之

鎮固原氣

脉浮因火迫劫之驚卧不安者桂枝去芍藥加蜀漆牡蠣龍骨救逆湯以固陽收脫鎮定其浮氣也

和

飲水多必心下悸雖有他邪亦先治悸恐水溢為喘為腫為噦為利也茯苓甘草湯往來多熱心下悸小便不利心煩喜嘔小柴胡主之

驚惕

或因汗下 或因溫針 或因火劫

鎮定浮氣

見前悸下

和解

傷寒八九日因下之胸滿煩驚小便不利譫語一身盡重不可轉側滿而煩者陽熱客於

胸中也驚者心惡熱而神不守也

便不利津液不行裏虛尤譫語者胃熱也一

身盡重不能轉側者陽氣內行於裏不營於

表也與柴胡加龍骨牡蠣湯以解錯雜之邪

涼心

朱砂安神丸 東垣方

渴

邪氣初傳入裏熱氣散漫未收斂成熱熏蒸焦膈搏耗津液遂成渴也

六經渴 有陰證 有陽證

解肌生津

在太陽脉浮必用桂枝 脉浮熱渴

欲飲水小便不利猪苓湯

清熱生津

潤燥白虎加人參吐汗下之後渴者用之

陽明脉長有汗發熱而渴白虎之類夏至左

右煩渴發熱不惡寒虛煩竹葉石膏湯

和解

太陽脉弦而嘔邪在半表裏小柴胡加瓜蒌

根之類 證治云厥陰病消渴氣上衝心心

中疼燒茯苓白朮甘草桂四物湯

汗下後胸脇滿微結小便不利渴而不嘔但

頭汗出往來寒熱心煩者柴胡桂枝乾姜湯

溫中

少陰自利而渴小便清白下焦虛寒也甘草

乾姜湯心煩但欲寐或自利而渴屬少陰理

中湯 活人書云自利而渴屬少陰白通湯

分利

小便不利而渴必發黃茵陳五苓散

汗後脉浮煩渴者五苓散主之

與水

厥陰脉微引飲宜少少與之但渴與水常令

不足勿極意也

清鎮

天水或加辰砂

解肌表

表邪不解或有或為之證小青龍去半夏加

瓜蒌根主之

下

陽明脉長而實有汗而渴者調胃承氣主之

脉沉滑熱實煩燥而渴大陷胸

陽毒燥盛大渴黑奴丸 厥陰證此事難知

云煩滿囊縮大小便不通發熱引飲尺寸俱

振

微緩直指方云發陰屬肝心之母也裏熱已極子氣乘母挾心火以為煩煩則消渴矣近乎戰也傷寒振者皆積其虛寒也下後復發汗必振寒者表裏俱虛也 亡血家發汗則寒慄而振者血氣俱虛也其振振欲擗地有身為振振搖者皆為發汗過多亡陽經虛不能自主持故身為振搖也

溫經

太陽病發汗後不解其人仍發熱心下悸頭眩身瞤動振振欲擗地真武湯主之

和經益陽

吐下後裏虛氣上逆陽不足起則頭眩脈沉緊發汗則動經身為振振搖者茯苓桂枝

戰慄

白朮甘草湯或小建中湯主之

為病欲解也戰為上與邪爭爭則為鼓慄而戰振但虛而不至爭故止後行動而振也慄為心戰戰外為慄內皆陰陽之爭也戰者正氣勝慄者邪氣勝也

助陽

具前

溫經散寒

具前 桂苓白朮甘草

救逆

韓氏治汗下後戰與救逆湯微減與羊肉湯再投而戰解

灸

陰氣內盛正氣太虛心慄而鼓領身不戰者已而遂成寒逆者宜灸之

搖頭

陽脉不治則頭為之搖有裏痛所致  
卒口噤背反張獨搖頭者瘕病風主動使然  
也 直視搖頭者為心絕

缺治例

四逆

四肢臂逆而不温者是也積凉成寒積温成  
熱非一朝一夕之故六腑氣絕於外者四肢  
手足寒冷足脛寒逆少陰也四肢厥冷身寒  
者厥陰也  
若始得之手足便厥而不温者是陰經受邪  
陽氣不足可用四逆湯輩温之

温

散熱收陰 若至

經之邪

散傷陰之熱而收陰氣此非虛寒之證也

熱之

活人書有玉女散霹靂散許學士用黑錫丹

近世用三建湯 陰病下利清穀裏寒外熱

手足致逆脉微欲絕者身反不惡寒其人面  
赤色或腹痛或乾嘔或咽痛或利止脉不出  
者此陰盛於內不相通也與通脉四逆湯以  
成氏謂厥證甚於四逆詳仲景治例則四肢  
通冷其病為重

灸

悉尉

厥

有陰陽不相順接便為厥厥者手足逆冷是也陽氣內陷熱氣逆伏而手足冷也

先熱而後厥者熱伏於內也 先厥而後熱

者陰退而陽氣得復也 始得便厥者是陽

氣不足而陰氣勝也 大抵厥逆為陰所主

寒者多差發熱七八日身冷此名臟厥難治

有冷厥熱厥 證治引孫兆云若證未辨陰

陽且與四順凡試之直指方云未辨疑似且

以理中丸試之陽厥則有熱陰厥則無熱

冷厥才病便厥 高保衡云寒厥外多靜而

溫

了了脈雖伏按之遲弱陰氣勝陽不得復厥

多熱少當溫之理中湯 龐氏曰寒熱而厥

面色必澤昏昧者當用綿衣包手足溫煖必

大汗而解也 少陰病吐利手足厥冷煩躁

欲絕者吳茱萸湯厥日多熱日少為陽氣退

病進也謂其脈浮遲或微或細或沉皆屬裏

有寒也

正陽回陰 無熱證而厥當歸四逆加茱萸生薑湯

白通湯 白通加猪膽汁湯選用之

虛者宜附子湯

補原氣 證治曰有熱者黃芪人參建中湯

熱厥必四五日才發半日之間熱復來也發熱日多厥日少病自愈 外證多昏憤脈雖伏按之數而有力無下兩解下例法中約之其脈沉伏而滑頭面有汗指爪溫皆陽實伏熱在內也小便赤大便秘脈沉滑四肢逆冷熱深也皆宜急下之大小承氣湯

吐

諸陽受氣於胸中邪氣留客則陽氣不得敷布而手足為之厥脈乍緊心中滿而煩飢不能食病在胸中當吐之 寒熱而厥面色不澤胃昧兩手忽無脈或一

解表

兩解

手無脈必是有汗也與麻黃桂枝各半湯歎而心下悸先治其水茯苓甘草湯

初得之身熱頭痛已後大便秘小便赤或渴有譫語而厥大柴胡湯

清熱清形 厥而渴者白虎湯

刺

具不仁例中

灸

龐氏曰脈促而厥者灸之

鄭聲

汗後人及久病人聲轉者是也為重語也鄭為聲轉也去聲重而轉本音者亦是也止為正氣虛而不全故使轉聲而不正也如大小便利手足冷脈細微弱者是

補

助陽扶正也

和解

見譫語例下

譫語

脉短者死沉細不過一二日死實則譫語氣  
 收斂在內而實者本病也或氣上逆而喘或  
 下利皆為逆也不治 又作譫謂妄有所見  
 而言也直氣昏神識不清所致 有被火劫  
 有汗出 有下利 有下血 有燥屎在  
 胃 有三陽合病 有過經 有亡陽譫語  
 下之緩微執病久真氣昏神氣不清所致脉  
 虛而長微弦滑者宜大承氣或柴胡飲子或  
 腹滿身重難以轉側口不仁面垢譫語遺尿

下

是三陽合病也汗出譫語此為風也須下之

過經方可 早則言必亂如下利譫語者下

之急有燥屎也小承氣主之有潮熱反不能

食者胃中必有燥屎五六枚也大熱入胃水

竭躁煩必發譫語又腹滿微喘口乾咽燥或

不大便久則譫語是因火劫所致也宜調胃

承氣

刺

下血譫語者此為熱入血室當刺期門隨其

虛實而瀉之脇下滿如結胸狀而譫語者是  
及經水適來皆熱入血室也

解錯雜之邪

傷寒八九日下之胸滿煩驚小便不利



讖語一身盡重不可轉側者柴胡加龍骨牡

蠣湯兼斂結神氣

和解

發汗多亡陽反身和讖語者不可下與柴胡

桂枝湯和其榮衛

溫

亦有陽虛陰盛而讖妄脈沉細弱者當溫經

助陽

逐瘀血

晝夜譫語言忘小便不利小腹滿為瘀血抵

當湯

清熱

譫語不惡寒反惡熱白虎湯煩不得眠白

虎加梔子湯

短氣

氣短而不能相續者是呼吸雖如而不能相

續似喘而不搖有似呻吟而無痛者短氣也

發汗

短氣但坐以汗出不徹故也更發汗則愈矣

下

乾嘔短氣汗出裏未和十棗湯短氣煩躁

心中懊憹陽氣內陷心中困鞭則為結胸大

陷胸湯有短氣腹滿而喘有潮熱者大柴

胡王之此短氣之實者也

溫經

腹濡滿而短氣者邪在表而為虛也

跌陽脈浮而緊緊則為寒微則為虛微虛相

搏則為短氣此短氣之虛者也

瘕瘕

瘕者筋脈急也瘕者筋脈緩也或搐急或舒

緩而不止名曰瘕瘕也俗謂之搐是也邪熱

氣極也熱盛則風搏併經絡風主動致四肢  
痠癢而不寧也病勢已過矣

兩解

踈風滌熱防風通聖散之類

汗

或汗不流是汗出時蓋發下而設腰背手足

搐搦用牛蒡根散

筋惕肉瞤

此汗多亡陽之所致也 久而成痿逆之甚

也 內經曰陽氣者精則養神柔則養筋發

汗及下後亡津液陽虛筋肉失所養故惕然

而跳瞤虛甚也

溫經益陽

具前振溫經下

踈風濕

防風白朮牡蠣湯

和經益陽

具前振下

鬱胃

鬱結為氣不舒胃為昏神不清也世俗謂之

昏迷是也多虛極乘寒所致或因吐下使然

瀆形為汗

太陽病慎先下之而不愈因復發汗以此

表裏俱虛其人因致胃胃家汗出自愈所以

然者汗出表和也

溫中

吐下後極虛復極汗者復與之水因得噦

下

有熱而怫鬱或不得卧有燥屎故也

刺

太陽少陽併病頭痛或胃悶如結胸狀當刺

大椎第一間及肺肝二俞慎不可汗

奔豚者動氣也築築然動於腹中者是矣臆

動氣

氣不治隨臟所主發泄於臍之四傍動跳築築然謂之動氣難經所謂臍左右有動氣是臟氣不治真氣虛雖有表裏攻發之證即不可汗下

竹氣逐熱 汗下後臍四傍有動氣方見保命集中

溫衛 汗下後臍下有動氣茯苓散

補養血氣 行氣養血和穀散 行氣清熱防葵散

自利 謂不經攻下為自溇洩 自利不渴屬太陰

也以其臟寒也 下利欲飲水者以有熱也

身熱脉大為逆 五臟氣絕於內者則下

利不禁

發汗 太陽陽明合病必自下利葛根湯以發之嘔

者加半夏

下 陽明與少陽合病必自下利太承氣主之發

熱後重泄色黃赤此為有熱 下利脉遲而

滑者內實也脉滑而數者皆有宿食也

和解 太陽與少陽合病下利黃芩湯 三陽病身

必熱

灸 下利脉微瀝嘔而汗出必更衣反少者當溫

其上灸之以消陰 少陰吐利手足不冷反

發熱脉不至灸少陰太谿穴

分利 五苓猪苓等湯

温

挾太陽脉證便不可温 脉微自利清穀此為寒少陰必瀉腎虛也可温理中白通諸四逆湯主之鴨澹者寒也脇寒而利臍下必寒四逆湯輩少陰吐利手足必冷煩躁欲死吳茱萸湯主之

劫

少陰病下利便膿血者下焦不約而裏寒也宜用桃花湯以固澁之如關腸洞泄便溺遺失用赤石禹餘糧湯 薛汝明家傳名朱雀湯

刺

少陰下利便膿血者可刺之宣通血氣自利而瀉屬少陰白虎湯或黃連阿膠散

清熱

脉浮大而長千金翼用葛根黃芩黃連湯協熱利白頭翁湯 下血類要栝皮湯

邪自陽傷入少陰腎虛客熱下利咽痛胸滿心煩者猪膚湯主之 陽垢者熱也協熱而利必臍下熱赤石脂丸白頭翁湯

解錯雜之邪

邪傷裏下後脉沉遲手足冷或吐膿血下利不止為難治麻黃升麻湯以潤肺除熱助陽

熱入血室

男子由陽明而傷女人則隨經而入男子則下血譫語婦人則月水適來邪得乘虛而入血自下則愈

和解

婦人傷寒經水適來得之七八日晝則明了

暮則譫語如見鬼狀此熱入血室也寒熱如

瘧宜小柴胡湯以和血也 許氏小柴胡加

生地 保命集加牡丹皮 元戎曰先服小

柴胡去其熱次以四物湯和之

大實滿者桃仁承氣 活人書云少腹滿小

便和屬抵當湯

七八日熱除而脉遲胸脇滿如結胸狀譫語

者此熱入血室刺期門 保命集用甘草芍

藥湯不已刺隱白 下血脈沉而遲桂

溫經

保命集云表虛自汗身涼拘急脉沉而遲桂

枝加附子紅花湯 活人書曰發熱惡寒經

水凝滯桂枝加紅花湯 系矩云其紅必結

宜育腸湯

熱入血室無犯胃氣及上二焦必自愈是不

須治也謂針藥皆不可以裏無留邪但不妄

犯熱隨血散必自愈

瘀熱在裏身必發黃 有濕熱 有畜血

濕熱而實 風濕熱而虛 寒濕 痞氣

瘀熱身黃麻黃連翹赤小豆湯 脉浮而緊

不可下宜各半湯

發黃

發汗

下熱

陽明身熱頭汗出小便不利渴引水此瘀熱

在裏身黃茵陳蒿湯主之

逐血

身黃脉沉結少腹鞭而小便自利其人如狂者又為畜血在下焦使之黃也抵當桃仁承氣主之

散熱

傷寒身黃發熱為熱未實與梔子柏皮湯若大便自利而黃者茵陳梔子黃連三物湯

溫經散濕

發熱身黃一身盡痛或小便自利與木附

湯 韓祗和云病人三五日脉微下藥太迫

虛甚脾胃津竭渴飲水白傷此陰濕傷脾變

黃宜溫之茵陳茯苓湯 及茯苓槿皮湯小

茵陳湯茵陳四逆湯茵陳附子湯茵陳吳茱

萸湯皆治陰黃證畧別云病後飲食勞動中

州變黃之病而生黃非壞之而得只用建中

理中大建中等藥足矣

和解

有潮熱嗜卧心脇疼鼻乾身及目黃小便難

小柴胡主之

分利

發熱頭汗渴引水小便利大便反快五苓加

茵陳 補亡云茵陳蒿汁調五苓散

搗鼻

初覺黃以瓜蒂散吹鼻內出黃水

外治

春夏時身黃而熱悶按韭菜向胸間擦之

內消

傷寒後因飲食致黃者用枳木內消丸

發狂

有陽毒多嘔煩躁面赤脉實是也

吐

畜血發狂多脉沉微但欲嗽水不嚥入

升麻梔子湯 龐氏云温病無熱但狂言煩

不安宜以猪苓散方寸七服之隨以水一升

服以吐之

發散

證治用升麻驚甲散

水漬

用新汲水濕布搭於胸上

温散

雙解

黑奴丸

下

畜血者其人如狂以熱在下焦小腹當硬小

便自利下血乃愈抵當湯 脉弦而長調胃

承氣湯 脉沉實有表證大柴胡湯

清鎮

小腹結急者用桃仁承氣湯

吐下後及虛人未解者宜與人參白朮辰砂

之類清其浮火也 直積方用寒水石黃連

末各一錢調冷水送下 又龍膽草一物湯

治陽狂

救逆

有因火劫亡陽驚狂卧起不安屬桂枝去芍

藥加蜀漆龍骨救逆湯

逐熱

三陽熱極脉大身熱渴而狂者黃連解毒湯

不已用承氣湯

逐血

血上逆則喜忘血下畜則內爭其人如狂用抵

當湯 輕者犀角地黄湯 活人書承氣湯

喜忘如狂身黃屎黑血證諦也抵當湯

無求子曰胸滿唇痿舌青口燥但嗽水不嚥

無熱為有瘀血必發狂也下血用犀角地黃

芍藥湯

### 踈風

龐氏曰人患時氣六七日因發狂目睛口噤

手攣臑曲或張口不知人事口鼻氣絕但心

頭溫面色和六脉皆動一如尸厥不知人五

六日因作成敗計救之用風引湯加附子灌

下兩服遂省

### 壯陰

陽氣獨盛陰氣暴絕必發狂妄言面赤咽

痛發斑或下利赤黃脉洪實或滑促宜救舌

之藥收陰抑陽苦酒淳蕪生艾湯主之

### 抑陽

陽毒狂躁發斑甚者踰牆上屋輕者桔梗大

黃湯升麻湯梔子仁湯

### 霍亂

上吐而下利揮霍而撩亂也邪在中焦胃氣

不治為邪所傷使陰陽乖隔遂上吐而下利

躁擾煩亂乃謂之霍亂但稱吐利者是有以

異也

### 溫中

寒多不渴者理中丸主之無求子曰用扁

豈湯治中湯四順附子湯小麥湯

吐利手足冷腹痛甚加吳茱萸更百證歌云吐

利轉筋入腹者雞矢白湯主之脉微緩四肢



今建中加附子當歸湯 沉細四君子加芍藥良姜湯

分利

吐利頭痛而熱熱多欲飲水五苓散主之

散表

通用藿香正氣散加桂 風寒暑濕邪自外

入正氣散除濕湯轉筋白朮湯

平胃

脉弦木尅土平胃散加木瓜

刺

乾霍亂或腹中急痛絞刺宜刺委中及絞刮

奪命穴

兩解

發熱脉弦汗出不解心下痞而吐利大柴胡

主之一法具自利下

解肌

汗後霍亂身體重者桂枝湯

消暑

吐利大渴煩躁冷汗出轉筋脉遲沉宜清暑

益氣湯

白虎湯

香薷飲

和解

嘔而潮熱小柴胡

乾霍亂益湯紫蘇丸主

之

散陰通陽

吐利止汗出而厥不欲水四肢拘急脉微

欲絕通脉四逆加猪膽汁湯

勞復

有差後勞復復 有食復 有女勞復

和解

勞後復發熱冲和湯

解表

脉浮以汗解之

清熱

竹葉石膏湯

麥門冬湯

下

脉沉實勞復至腹滿譫語枳實大黃湯

吐 宿熱而熱復積實施子鼓湯吐之

補 補中益氣湯

升陽益胃

養榮

陰陽易

其人身體重少氣少腹裏急或引陰中拘攣  
熱上冲胸頭重不舉眼中生花

導陰氣 燒祀散 假鼠橋皮湯

大便不利

脉數為熱陽邪偏結於內陰氣不能相雜故  
其證能食不大便名陽結 脉沉遲為寒陰

邪偏結於內陽氣不能相雜故其證不能食  
身重大便閉為陰結

汗

小便難為有津液可作汗小便數不可悞  
汗證似煩卧不着席服施子湯或五苓散得

汗而解

下

潮熱大便鞭陽盛陰虛下證已具 陽結證  
趙氏用調胃承氣 難知用七宣丸

醫鏡用五柔丸枳實湯備急丸

許氏用大柴胡

吐

三下不通不可下攻便當上吐提之

導

蜜導猪膽汁導  
陽藏陰虛者頻進兔肉  
陰結活人書用金液丹 索矩用蜜慎丸

溫

難知用厚朴湯 醫鏡用半碗丸

龐氏云臍腹四逆輩極冷服之

和解

陽結能食不大便或頭汗出惡寒手足冷或

潤腸

心滿不食大便硬不可下與冲和湯

浴

大便堅小便數不可下跌陽脉浮濇麻仁丸

熏

用棕櫚皮燒湯坐盆內浴之亦謂之外迎

虛者用皂角烟熏大便即通

熨

服藥不通即以鹽炒熱熨臍下須臾即通若

臍下冷結不通不可使熨冷散攻心必死須

先服溫藥久乃可熨

脇痛

少陽證 表解裏未和 素有痞積在臍傍

痛引小腹入陰筋者名臍結主死

心下堅滿引脇痛十棗湯

往來寒熱胸脇滿痛柴胡牡蠣湯

有實 有虛 寒 熱 邪 燥 屎 舊 積

按之不痛為虛痛者為實 陽脉濇陰脉弦并泄利建中湯 桂枝芍藥湯 小建中薛汝明名芍藥湯 厥陰證小腹痛當歸四逆湯

腹痛

關脉實大便秘硬腹滿為實繞臍腹痛煩躁

和血

下

建中

下

發作有時有燥屎也大小承氣腹滿時痛桂枝加大黃

溫中

兼泄利下重脉沉微四逆湯 兼小便不利

真武湯隨證選用

逐熱

胸中有熱胃中有邪氣腹中痛欲嘔吐者黃

連湯

外接法

畧例云

熨

用灰包熨之

灸

龐氏云合灸不灸令病人冷結久而彌困氣

冲心而死

刺括

欲吐利而煩躁者多有痧毒世俗以刺括委

咽痛

中穴

陽毒

少陰證

伏氣

清熱

少陰腹痛脉沉細猶有咽痛者黃連龍骨湯

溫中

脉微弱有伏氣必先痛次下利當溫之手足

冷或加吐利少陰證也下利不止手足冷咽

痛無熱證四順丸 少陰中風胸滿心煩咽

痛自汗腰痛連筋頭痛吐沫脉弦三因用桂

枝附子

散結下痰

脉數而滑甘桔半夏湯

鍼

吹點

敷 咽痛有瘡黃柏細辛末敷之

解毒 陽毒脉浮數而大唾膿血千金外臺烏扇膏

治之

蛇歎

溫胃 烏梅丸 理中丸

利 消渴吐蛇但用理中加大黃入蜜以利之

陽證陽毒 二陽病不治陽獨盛陰欲暴絕變為陽毒必

發狂內外熱結舌又卷鼻內煤烟脉洪實滑

促

升麻梔子湯

吐 下

陰證陰毒

陰病盛則微陽消于上故其候沉重四肢逆

冷臍腹築痛厥逆或冷六脉沉細時來疾尺

脉小短而微寸口盛時大者皆其候也

溫經 真武湯 四逆湯

正陽回陰 霹靂散

灸 關元 氣海

劫 金液丹

熨 腹中急痛灰包熨之

熏 逆冷囊縮者以炒豆揆熱醋中如法熏之

太陽陽明合病 自利

發汗 喘而胸滿者麻黃湯

和解 不下利但嘔者葛根芩半夏湯

兩解 止利發表葛根湯

太陽少陽合病

和解 黃芩湯止利利者為邪在半表半裏非汗下

所宜

止嘔清熱 嘔者胃氣逆也黃芩加半夏生姜湯

三陽合病 腹滿身重難以轉側口中不仁譫語遺尿皆

不可汗下

清熱和表裏 白虎湯

太陽少陽併病 頭痛眩胃如結胸心下痞硬 或譫語

刺 肺俞 肝俞 如頭項強刺大椎

陰證似陽

煩躁面赤身熱脈反沉微 此微音曰面見

雖見陽證蓋是陽在上焦甘下二焦陰色已

盛若調理得下焦有陽則上焦陽氣必下降

也上焦雖見陽證其勢淺於下焦也

溫 見前發熱溫經例下 直指方云理中湯

四逆甘草乾姜湯隨證輕重用

陽證似陰 大便秘小便赤甘脈沉滑四肢逆冷以是伏

熱深也

下 治法見前厥證例下

陰盛隔陽

溫 傷寒例云面少赤陰盛於內隔陽在外其病

必重用通脉四逆湯正合仲景法

陽盛拒陰

下

痲

汗下後發者熱毒不散所致 有溫毒熱病  
有表證脉浮數 有表虛裏實熱毒不散所  
以不可發汗不可輕易下 有時氣所致  
白虎加參名化痲湯 升麻玄參湯  
表證多防風通聖去硝黃

消散

調胃溫中 陰證發痲

補

汗下後胃虛極而發者此火遊行於外所致  
宜補以降之白虎加參末

下

身無大熱煩渴便實有痲調胃承氣

洩熱

猪膽雞子湯 蕪咽痛紫雪大青

涼血

溫毒發痲嘔逆黑膏 化毒丹

晝夜偏刺

熱入血室 陰虛 亡陽

溫經

汗下後身無熱不渴晝則煩躁夜而安靜脉

沉宜乾姜附子湯

和解

婦人熱入血室夜則譫語小柴胡加牡丹皮

鉅

口燥咽乾

慎不可發汗

清熱涼胃

口乾少津液脉浮緊微數白虎加人參湯

和解

口苦脉浮緊咽乾舌燥宜小柴胡

下 少陰病得之二三日口燥咽乾急下之

百合病 百脉一宗悉致其病無經絡之狀欲食不食

欲卧不卧 有寒非寒 有熱非熱

默默不知所苦服藥即吐如有鬼神

清熱涼血 百合湯

狐惑 其後齒燥惡飲食面目乍赤乍白舌黑舌上

白唇黑有瘡四肢沉重喜眠 虫食其喉為

惑其聲啞虫食下部為狐其咽乾甚者虫食

臟而死

殺虫 雄黃欒散膏納穀道中

涼血 唇瘡聲啞桃仁湯

清熱安虫 黃連犀角湯

漱水不欲嚥 熱在經也

涼血 陽明身熱頭疼漱水不嚥必發衄犀角地黃

湯主之

水氣

兩解 表不解心下有水氣乾嘔發熱喘欬渴或利

小青龍主之

下 結胸有水氣但頭汗出大陷胸湯

溫 少陰腹痛小便不利四肢疼瀉下利此有水

真武湯 厥而心下悸宜先治水茯苓甘草

湯



分利

煩渴飲水水入即吐名水逆五苓散主之

軟堅清熱

病在陽當汗解反以水嚥之其熱被却不

得去彌更益堅肉上粟起反不渴

文蛤散

小便不利

邪畜於內津液不下行

分利

汗後脈浮煩渴五苓散

和解

汗後脇滿寒熱不利心煩桂枝乾姜湯

下

小便不利大便乍難乍易大小承氣湯選用

濕

自汗身寒小便不利甘草附子湯

坐藥

婦女用之男子用猪膽塗之

固下散寒

少陰病四五日腹滿痛小便不利下利膿

灸

血桃花湯

陰寒甚下閉者灸之

陰證小便不利

必陰囊縮入小腹痛欲死者灸石門穴

仍與返魂丹當歸四逆湯世有醫人見小水

不通炒鹽及熱藥臍下熨之以致陰氣俱熱

熨無處出即上衝心往往有死者

洩濕熱

頭汗出小便不利渴引水漿痰熱在內必發

黃茵陳湯

解錯雜之邪

傷寒八九日下之胸滿煩驚小便不利

譫語一身盡重不可轉側者柴胡龍骨牡蠣

湯主之

散傳陰之熱閉 少陰陰病四逆其人或欬或悸或小

便不利或腹中痛或吐利下重者四逆散主

之

溫經散濕 少陰二三日不已至四五日腹痛小便不

利四肢沉重痠痛自利者真武湯

陽瘧 本作瘧 仰目是陽瘧 直指方云無汗先

譫語者發剛瘧

發汗 證治曰太陽無汗小便少氣上冲昏口噤欲

作剛瘧麻黃加葛根湯 雲岐子用麻黃加

獨活防風湯 胸滿口噤卧不着席脚攣急其人必咬牙大

下

陰瘧

發汗 承氣湯許氏次用小續命湯調之 眼合是陰瘧 有汗先厥逆發柔瘧

溫 龐朱二氏用桂枝葛根湯 朱肱 陰瘧厥逆筋脉俱急汗出不止桂心白朮散

項強頭搖口噤附子散

閉目合面附子防風湯

分利 頭項強小腹滿小便難已成瘧五苓散

踈風養血 防風當歸散

不仁

謂不柔和則痺痛寒熱皆不知也正氣為邪

氣閉伏鬱而不散榮衛血氣虛少不能通行 故斯然也經曰少陰脉不至腎氣微精血少

奔氣促迫上入胸膈宗氣反復血結心下陽  
氣退下熱歸陰股與陰相動令身不仁此為  
尸厥其乘寒之厥鬱胃不仁可知矣

温

直指方用甘草乾姜湯桂枝芍藥湯加乾姜  
各半湯以意度用

鍼

若越人入號太子病尸厥以鬱胃不仁為可  
治刺之而痊濟者神醫之診也設脉浮洪身  
汗如油喘不休體不仁雖越人其能起之哉  
心腎臟氣絕也針經云骨之精為瞳筋之  
精為黑血之精為絡氣之精為白五經血氣  
調和於目則明矣今邪氣壅盛正氣已絕

直指

故衄家不可發汗汗則額上陷脉急緊直視  
不能眴也

風濕下

其或有目中不了了睛不和無表裏發吐大便  
難身微熱者非直視此內實也可於大承氣  
大柴胡選用之

遺尿

風温證被下必失洩 三陽合病  
下焦氣絕不歸其部 濁邪中下

温

清熱

下焦脫陰陽虛用附子湯  
自汗而熱白虎湯主之

灸

循衣摸床

無微喘直視小便利脉弦實者可治

温病

下

大小承氣選用

春月病發熱惡寒頭疼脈來浮數

瘟病當分治之

解肌

升麻解肌湯

和解

小柴胡竹葉湯

温瘧

和解

重感於寒變成温瘧脈尺寸俱盛兼弦數

清熱

先熱後寒小柴胡或白虎加桂枝

風温

發汗

敗毒獨活湯許氏用續命湯減麻黃附

解肌

柴胡桂枝湯或白朮湯加減用

清熱

汗後惡熱無下證知母石膏湯

疎風

頭目昏眩四肢煩疼荆芥散

温疫

金櫃風引湯

温毒

陰脉實大陽脉洪數

發癍

癍疹

咳兼心悶

清熱

玄參升麻湯

濕温

發熱頭疼胸間多汗兩脛逆冷妄言脉陽濡而弱陰小而急

暑證

中暑病熱自汗脉虛細弱

清神益氣

東垣清暑益氣湯

清熱

白虎湯

解肌

五苓散

降痰逆

消暑丸

橘皮湯

濕

冷香飲子

暍證

中暑暍脉洪緊盛身熱惡寒頭痛心煩躁渴

乃是

分利

五苓散

益元散

降火

黃連解毒湯加香薷

消暑

香薷飲

傷寒治例終